



Inatsisrtunut ilaasortaq  
Peter Olsen, Inuit Ataqtigiit

## § 37 apeqqummut nr. 008-2020-mut akissut

Sags nr. 2020 - 933  
Akt nr. 12815201

Postboks 1160  
Tlf: 34 50 00  
Fax: 34 55 05  
3900 Nuuk

Email: [pn@nanoq.gl](mailto:pn@nanoq.gl)  
[www.naalakkersuisut.gl](http://www.naalakkersuisut.gl)

Asasara Peter Olsen

Inatsisartut Suleriaasianni § 37, imm. 1 naapertorlugu Naalakkersuisunut makkuninnga apeqquteqarputit. Apeqqutitit uannut akineqartussanngortillugit innersuunneqarput.

### Naalakkersuisuinut apeqqutit:

1. Naalakkersuisut §37 naapertorlugu apeqqummut 2019/353-imut akissumminni Cannabisimit atorerluineq aallaavigalugu tarnikkut peruluttunik (hashpsykosertunik) kisitsisinik amerlassusiliinermikkut takussutissiorsimapput; Naalakkersuisut taamatut takussutissiornerminni hashi cannabisilu immikkoortillugit pisimappat?
  - a. Aappiuppat; Hashimik tarnikkut perulluuteqalersimasut immikkoortillugit aammalu Cannabisimik tarnikkut perulluuteqalersimasut immikkoortillugit takussutissiamik takorusunnarpoq.
  - b. Naamiuppat; Naalakkersuisut suna tunngavilersuutigalugu taamaaliorsimangillat?

### Akissut:

Naamik. § 37 apeqqutip nr. 2019/353-ip akineqarneranut atatillugu Naalakkersuisut kisitsisitigut takussutissialiornerminni hashimik cannabisimillu atorerluineq immikkoortinngilaat.

Tamatumunnga tunngavilersuutaavoq oqaaseq cannabis ikiaroorartunut inummut suniuteqartartunut, ingammik naasumit Cannabis Sativa-meersunut, taaguutaamat nunani assigiinngitsuni ataatsimut taaguutigineqartartoq. Cannabis Sativa atorlugu ikiaroorartuliortoqartarpoq, soorlu hashimik, marihuanamik, skunkimik aamma pot-imik.<sup>1,2,3,4</sup>. Cannabis assigiinngitsorpassuarnik akoqarpoq, taakkunanga delta-9-tetrahydrocannabinol (THC) ikiarootitsisinnaasut akornanni pingaarnersaalluni.

Nakorsaanermi suleriaatsit aallaavigalugit hashi allallu cannabisimik akullit nappaatip

<sup>1</sup><https://apps.who.int/iris/bitstream/handle/10665/251056/9789241510240eng.pdf?sequence=1&isAllowed=y>

<sup>2</sup> <https://laegemiddelstyrelsen.dk/da/special/medicinsk-cannabis/borgere/hvad-er-medicinsk-cannabis/>

<sup>3</sup> <https://www.sundhed.dk/borger/patienthaandbogen/sundhedsoplysning/narkotiske-stoffer/cannabis/>

<sup>4</sup> [https://www.unodc.org/documents/drug-prevention-and-treatment/cannabis\\_review.pdf](https://www.unodc.org/documents/drug-prevention-and-treatment/cannabis_review.pdf)

suussusianik nalunaarsorneqarneranni ataatsimut nalunaarsorneqartarput, taamaattumik § 37 apeqqutip nr. 2019/353-ip akineqarnerani hashi allallu cannabisimik akullit kisitsisitigut takussutissiami ataatsimoortinneqarnikuupput.

## **2. Naalackersuisut misissuinerit Cannabisip hashpsykosertitsilersinnaanerani takussutissisut Cannabis pillugu ilisimatuussutsikkut sorliit atorlugit kisitsisinik takussutissiornerminni atorsimavaat?**

### **Akissut:**

Ukiuni qulikkuutaani arlalinni nalinginnaasumik ilisimaneqarpoq uppersarsarlugaallunilu cannabis tarnikkut nappaateqalersitsisinnaasoq, tamatumunga ilanngullugu tarnikkut perulunneq<sup>1,4,5,6</sup>. Ilisimatuussutsikkut misissuinerit najoqqutarisat taaneqartut tunngavigalugit tamanna uppersarsarneqareerpoq.

Eqqartorneqartoq pillugu paasissutissat innuttaasunut tunnganerusut quppersakkani ukunani takuneqarsinnaapput: "Hashi pillugu suna nalunngiliuk? Angajoqqaanut" aamma "Hashi pillugu suna nalunngiliuk? Meeqqanut inuusuttunullu". Quppersakkat aamma peqqik.gl-imi aaneqarsinnaapput<sup>7</sup>

## **3. Naalackersuisut immikkoortorta qarfimmi A1-imi tarnikkut peruluttut (hashpsykose) immikkoortorta qarfimi ileraangata, suna periuseq uppersarsaasoq atorlugit peruluttut Hashi imaluunniit Cannabis aallaavigalugit tarnikkut peruluttut nalunaarsortarpaat?**

### **a. Hashi imaluunniit Cannabis ataasiusut Naalackersuisunit isigineqarpa?**

### **Akissut:**

Tamatumani akissut aappiuvoq. Inuit hash-psykosernermik taasagaat, imaluunniit *cannabis-induced psychotic disorder (tuluttut)* imaluunniit *cannabisimik atornerluinerup kingunerani tarnikkut perulunnermik* taaneqassappat Naalagaaffiit Peqatigiit peqqinnisaq pillugu suleqatigiiffiata (WHO) nunap tamalaat akornanni nappaammut ersiutigitiit-tagai malinneqartarput, taakkulu ilaatigut tassaapput tarnikkut perulunnermut ersiutit, soorlu piviusuunngitsunik takorluuineq, takusuusinerit tusaasuusinerilluunniit, paatsiveqanngitsumik eqqarsarneq, cannabisitornermi imaluunniit kingunitsiannguani ajorsiarortartoq<sup>8</sup>

Tarnikkut napparsimasunik sullissivinni isumaliutigineqangaatsiartarpoq atornerluineq nalilerneqassappat nappaallu eqqortumik suussusersineqassappat ilisarnaatit suussanersut. Tamatumani makku ilaatigut ilanngunneqarput:

- Suna atornerlunneqarpa, aamma atornerluineq qanga aallartippa?

<sup>5</sup> <https://www.thelancet.com/action/showPdf?pii=S2215-0366%2819%2930048-3>

<sup>6</sup> McGrath, et al. (2010). Association between cannabis use and psychosis-related outcomes using sibling pair analysis in a cohort of young adults. *Archives of General Psychiatry*, 67(5):440-447

<sup>7</sup> [https://www.peqqik.gl/Materialebestilling?sc\\_lang=kl-GL](https://www.peqqik.gl/Materialebestilling?sc_lang=kl-GL)

<sup>8</sup> <https://icd.who.int/browse11/l-m/en#/http://id.who.int/icd/en-tity/816184127?data=%7B%22dataType%22%3A%22pc%22%2C%22postcoordinationCodeSet%22%3A%7B%22stemId%22%3A%22http%3A%2F%2Fid.who.int%2Ficd%2Fen-tity%2F816184127%22%2C%22axisToValueIds%22%3A%7B%22hasCausingCondition%22%3A%5B%7B%22stemId%22%3A%22http%3A%2F%2Fid.who.int%2Ficd%2Fen-tity%2F740218593%22%7D%5D%7D%7D%7D>

- Qanoq akulikitsigisumik qanorlu annertutigisumik atornerluisoqarpa?
- Timimut toqunartutut sunniussimava/napparsimalissutigisamik ingasaassisoqarsimava imaluunniit atornerluinerup unitsinneqarnera kingunerluuteqartitsisimava?

Napparsimasoq atornerluisunngoriartuaarsimangersoq taamaalillunilu atornerluisutut nalilernerqassaguni piunasaqaatit eqqutissimanerai nalilissallugu pingaaruteqarpoq. Tamatuma saniatigut nassuiassallugu pingaaruteqarpoq atornerluineq imaluunniit pinngitsuuisinnaannginneq pissutigalugu tarnikkut timikkulluunniit nappaateqarnermut ersiuteqartoqalersimangersoq.

Inussiarnersumik inuulluaqqusillunga  
Med venlig hilsen

  
Martha Abelsen